

ՄՈՐ ՀԱՎԱՏՔԸ

ԵԼ. 2:1-11

ՍՈՒՐԲԳՐԱՅԻՆ ՀԱՏՎԱԾ.

1 Այնտեղ էր գտնուում Ղևիի ցեղից մի մարդ (Ամրամ), որն ամուսնացավ Ղևիի դուստրերից մէկի (Հոքաբեթ) հետ: 2 Սա հղիացավ ու ծնեց մի արու զավակ: Տեսնելով, որ նա գեղեցիկ է, երեք ամիս թաքցրին նրան: 3 Երբ այլևս չէին կարող նրան թաքցնել, նրա մայրն առավ եղէգից հյուսուած մի տապանակ, այն ծեփեց կարածյութով, դրա մէջ դրեց մանկանը և զամբյուղը դրեց ծանծաղուտ մի տեղ, գետափին մօտիկ: 4 Մանկան քույրը հեռվից հետևում էր՝ տեսնելու համար, թէ ինչ կը պատահի նրան: 5 Այդ ժամանակ էր, որ փարավոնի դուստրն եկավ գետում լողանալու, իսկ նրա աղախինները քաջում էին գետի ափով: Ծանծաղուտի մէջ զամբյուղ նկատելով՝ նա մի աղախին ուղարկեց, որ վերցնի այն: 6 Նա բացեց և տեսավ երեխային: Երեխան լաց էր լինում զամբյուղում: Փարավոնի դուստրը, խղճալով նրան, ասաց. Եբրայեցիների երեխաներից է դա: 7 Մանկան քույրն ասաց փարավոնի դստերը. Ուզո՞ւմ ես, որ եբրայեցիներից մի դայեակ կին կանչեմ, նա թող կերակրի այդ մանկանը: 8 Փարավոնի դուստրն ասաց՝ գնա՛: Աղջիկը գնաց ու կանչեց մանկան մօրը: 9 Փարավոնի դուստրը նրան ասաց. Վերցրո՛ւ այդ մանկանը և կերակրի՛ր նրան ինձ համար: Ես կը տամ քո վարձը: Կինը վերցրեց մանկանը և կերակրեց նրան: Երբ մանուկը մեծացավ, կինը նրան բերեց փարավոնի դստեր մօտ, 10 և մանուկը նրան որդեգիր դարձավ: Նա նրան Մովսէս կոչեց ասելով՝ ջրից եմ հանել նրան:

11 Շատ օրեր հետո, երբ Մովսէսը մեծացավ, գնաց իր ազգակիցներին՝ իսրայէլացիների մօտ, ականատես եղավ նրանց չարչարանքներին: Նա նկատեց, որ մի եգիպտացի ծեծում էր իր եբրայեցի եղբայրներից մէկին՝ մի իսրայէլացու:

I. ՄԱՅՐ, ՈՐ ՀԱՎԱՏՈՒՄ ԷՐ ԻՐ ՈՐԴՈՒ ՓՐԿՈՒԹՅԱՆ ՀԱՄԱՐ:

³ Երբ այլևս չէին կարող նրան թաքցնել, նրա մայրն առավ եղէգից հյուսուած մի տապանակ, այն ծեփեց կպրածյութով, դրա մէջ դրեց մանկանը եւ զամբյուղը դրեց ծանծաղուտ մի տեղ, գետափին մօտիկ:

Եբր. 11:23 - ²³ Հաւատքով Մովսէսը երբոր ծնվեց՝, նրա ծնողները երեք ամիս թաքցրին նրան, քանզի տեսան կայտառ մանկանը եւ չվախեցան թագաւորի հրամանից:

- Ծննդ. 26:35 - ³⁵ Եւ սորանք Իսահակի և Ռեբեկայի համար հոգու դառնություն եղան:

II. ՄԱՅՐ, ՈՐ ՍԵՐՄԱՆԵՑ (ՓՈԽԱՆՑԵՑ) ՀԱՎԱՏՔԸ ԻՐ ՈՐԴՈՒ ՄԵՋ:

⁹ Փարավոնի դուստրը նրան ասաց. Վերցրո՛ւ այդ մանկանը եւ կերակրի՛ր նրան ինձ համար: Ես կը տամ քո վարձը: Կինը վերցրեց մանկանը եւ կերակրեց նրան: Երբ մանուկը մեծացավ. կինը նրան բերեց փարավոնի դստեր մօտ.

Եբր. 11:24 - ²⁴ Հավատքով Մովսէսը երբոր մեծացավ՝ չկամեցավ Փարավոնի աղջկա որդի կոչվել:

- 2 Տիմ. 1:5 - ⁵ Միտքս բերելով այն անկեղծ հաւատքը որ քեզանում է. որ առաջ քո Լօիդա տատումը եւ քո Եւնիկէ մօրումը բնակուեցաւ, համոզուած եմ որ քեզանում էլ:

III. ՄԱՅՐ, ՈՐ ՀԱՎԱՏՔՈՎ ԱՐՁԱԿԵՑ ԻՐ ՈՐԴՈՒՆ ՎՍՏԱՅԵԼՈՎ ԱՍՏԾՈ ԱՌԱՋՆՈՐԴՈՒԹՅԱՆԸ:

⁹ Երբ մանուկը մեծացավ. կինը նրան բերեց փարավոնի դստեր մօտ.

Եբր. 11:24,27-29 - ²⁴ Հավատքով Մովսէսը երբոր մեծացավ՝ չկամեցավ Փարավոնի աղջկա որդի կոչվել:

²⁷ Հավատքով թողեց նա Եգիպտոսը չվախենալով թագավորի բարկությունից. որովհետեւ համբերեց՝ Անտեսանելուն տեսնողի պէս:

²⁸ Հավատքով արավզատիկը եւ արյունի սրսկումը. որ առաջինեկներին սատակիչը չմօտենա նորանց:

²⁹ Հավատքով անցան Կարմիր ծովովն ինչպէս ցամաքով. որի փորձն Եգիպտացիներն անելիս խեղդուեցան: